



Harald Olav Ness
Rostevegen 39
6978 VIKSDALEN

Saksbehandlar, innvalstelefon

Tore Larsen, 57 64 31 26

Svar på søknad om løyve til usetting av edelgran til produksjon av juletre og pyntegrønt

Vi viser til søknad frå deg om utplanting av edelgran, registrert inn hos oss 14.2.2019. Søknaden er ikkje datert, og gjeld same areal som i søknad frå deg datert 3.4.2018. Den blei derfor oppfatta som ein annan versjon av søknaden frå 2018, og ikkje behandla. Til grunn for dette låg også at løyvet som var gitt i 2018 var gyldig ut heile 2019.

Ved ein rutinemessig gjennomgang av arkivsystemet vårt no nyleg, oppdaga vi at utplantingsområdet på kartet som følgde 2019-søknaden ikkje var heilt identisk med det på 2018-søknaden, og det blei derfor tatt kontakt med deg pr. epost 23.9. i år for å undersøke om vi hadde tolka saka rett. Det viste seg da at det faktisk var snakk om to separate søknadar for det same området, og du opplyser i epostsvar 23.9. at du sendte ein ny søknad i 2019 fordi du ikkje hadde fått tak i plantar i 2018.

Den siste søknaden gjeld same areal og same tal plantar som den første. **Vi viser derfor til bakgrunn for vedtak og vurderingar gitt i vårt brev av 18.5.2018** (sjå vedlegg). Det ligg ikkje føre nye opplysningar om t.d. førekomst av artar eller naturtypar i området som tilseier andre konklusjonar no. Etter kommunesamanslåing har eigedomen gnr/bnr 143/2 i Sunnfjord kommune.

Vedtak

Med heimel i forskrift om utsetting av utanlandske treslag til skogbruksføremål, jfr. naturmangfaldlova § 30, får Harald Ness med dette løyve til å plante ut inntil 100 edelgran til juletre- og pyntegrøntproduksjon på gnr. 143, bnr. 2 i Sunnfjord kommune, i område avmerka med raud og blå sirkel på kart vedlagt søknaden. Løyvet er gitt på desse vilkåra:

1. Løyvet gjeld for ei utsetting. Utplantinga må vere fullført innan 31.12.2021.
2. Alle trea skal fellast før dei blir frøproduserande. For å hindre spreiding, er det ikkje tillate å fjerne tre på rot frå feltet.
3. Etter at feltet er hausta, skal alle ikkje-omsettbare tre fjernast og feltet ryddast slik at det ikkje kan kome nye skot.



4. Den som har fått løyve, må etablere og dokumentere internkontroll etter § 10 i forskrifta (i praksis sikre seg mot frøspreiing frå dei planta treea). Oppslag av frøspredde tre må fjernast.
5. Dersom eigedomen blir overdradd til andre, må ny eigar informerast om løyvet og dei vilkåra som er sette for løyvet.
6. Dersom drifta av ulike grunnar skulle ta slutt utan ordinær innhausting, skal grunneigar varsle Fylkesmannen. Dersom ikkje grunneigar ønskjer å rydde feltet sjølv, kan feltet ryddast for grunneigar si rekning.
7. Dette løyvet skal oppbevarast hos tiltakshavar og grunneigar inntil feltet er rydda.
8. Dette løyvet kan opphevast eller endrast i samsvar med § 67 i naturmangfaldlova, dersom det t.d. kjem fram nye opplysningar om dei omsøkte artane.

Klage

Dette vedtaket kan påklagast innan 3 veker etter at brevet er motteke, jf. reglane i forvaltingslova. Klagen sendast til Fylkesmannen i Vestland og blir avgjort av Miljødirektoratet dersom Fylkesmannen ikkje gjer om vedtaket.

Med helsing

Rune Johan Mikkelsen
seniorrådgjevar

Tore Larsen
seniorrådgjevar

Dokumentet er elektronisk godkjent

Kopi til Sunnfjord kommune

Vedlegg: Brev frå Fylkesmannen i Sogn og Fjordane 18.5.18, med løyve til utplanting av edelgran